

T2512/0698(1)

THE CHINESE-JAPANESE LIBRARY  
OF THE HARVARD-YENCHING INSTITUTE  
AT HARVARD UNIVERSITY

DEC 28 1956

CM 0 1 2 3 4 5 6 7 8 9 10 11 12 13 14 15 16 17

Lab D502 95/0/2

81/0/0

66/0/0

51/0/1

35/0/0

20/0/0

29/19/54

55/-39/33

42/57/29

82/4/79

51/50/-13

50/-28/-29

38/14/16

66/16/18

50/-5/-22

43/-14/21

55/-9/-25

71/-32/0

62/34/60

40/9/-43

52/48/17

31/21/-21

72/-23/57

73/19/68

諸理齋先生原本

# 通鑑集要

金閻葉繼照梓行

古今大帳簿

哈佛大學漢和  
圖書館珍藏印

書

天地間有一大帳簿。古史舊帳簿也。今史  
新帳簿也。人家儘有聰明俊慧子弟。父師  
失教。專以時文課之。竟不知通鑑綱目二  
十一史爲何物。所以往往有攢眉讎書之  
苦。若教之讀史。以聰明俊慧之資。遇史中

可喜可愕之事。則心力自狀發越。貫串治亂得失。人才邪正。是非之源流。與財賦兵刑禮樂制度沿革之本末。則眼力自狀高明。以古人印證今人。以古方參治今病。則膽力自狀穩實。曉暢大局。面大機括。大議論。大文章。則筆力自狀宏達。今子弟史學

一切廢閣。其有質者。反教之讀。子書佛書。卽龕龕問他作子書佛書者之姓名出處。已茫狀不曉。况能得子佛之精髓乎。余嘗語子弟。無論綱目二十一史。卽一部通鑑。乃是萬卷書之關津。若未曾過得此關。則他書必無別路可入。或讀之而不能解。解

之而不能竟。竟之而不能徹。首徹尾皆坐  
史不熟也。此舊帳簿不可無也。內外百司  
各有職守。而史官獨若無所事。事宜遵祖  
宗法。勅令脩撰編脩檢討。審直史館編紀  
時政。各管一類。據事直書。不須立論褒貶。  
仍於紙尾書某官某人記藏之。匱櫝以待。

纂述。庶因紀錄之間。亦得練習政事。他日  
任用。不至杜撰鹵莽。是於循職之中。寔寓  
養才之意。若謂館局儲養異才。不必煩以  
語言文字。則未免以光陰志氣空擲于交  
際詩酒之間。卽有意講求故典者。恐同儕  
猜異。只得隨行逐隊。而不敢周咨天下之

務及至團局脩史亦不過掇拾完書無暇  
聚頭磕膝子細討論宰相須用讀書人竟  
成虛語此新帳簿不可無也又有講學老  
先生專意六經而以讀史爲玩物喪志亦  
恐非得中之論昔程伊川先生几案間無  
他帙惟印行唐鑑一部朱晦菴先生云病

中信手亂抽得通鑑一兩卷看正直難處  
置處不覺骨寒毛聳心膽墮地向來只作  
文字看過却全不自覺真是枉讀了他古  
人書前輩何嘗不留心史學今子弟不讀  
史史官不編史舊帳簿新帳簿皆置之高  
閣豈不可嘆夫未出仕是筭帳簿的人既

出仕是管帳簿的人。史官是寫帳簿的人。寫得明白。算得明白。管得明白。而天下國家之事。瞭若指掌矣。故曰。史者天地間一大帳簿也。

雲間眉公陳繼儒題



刻全采備題通鑑集要序

史籍所載。歷代治亂安危興廢存亡之理。無不備焉。故人史學之難也。予於髫季。在風簾中。亦嘗患其浩瀚。逮遊甘泉湛先生

東廓鄒先生之門嘗以史學之  
難為質而欲得其要焉。二先生  
不俟於贅而皆以明道先生讀  
史之法予就其說而攷之。則曰  
讀史不要看事跡。讀一半便掩

卷思量。夫思者本於心也。謂得  
諸心則雖博而不見其為泛。不  
得諸心則雖約而無以明其理。  
故每以心會之。見其支離者可  
以合而一。浩繁者可以會而約。

扞格者可以曲而通。然後喟然  
歎曰。此先生謂我矣。學者能以  
心求之。則雖史記綱目諸書亦  
有所指歸。而不見其難矣。予弟  
淮曰。子侄輩謂理齋諸先生通  
鑑集要。節去繁文。以致其約。備  
存統紀。以昭其合。事實缺畧者。  
間註以增之。題目正大者。標題  
以繫之。簡而明。要而不漏。數千  
年治亂安危興廢存亡歷。如



指諸掌。誠讀史之門戶。稽古之  
筌蹄也。近因字寢訛。而題尤未  
備。故欲增其題。校其子。捐貲而  
鋟之。以廣其傳。特請序於予焉。  
予曰。此提挈綱維。開示切要。俾  
射策者易於誦閱。意亦勤矣。然  
反之於甘泉東廓先生之教。終  
不若求之於心之為要也。故學  
者之於史書。始焉旁搜。以博其  
趣。既焉詳說。以約其理。合博約

而誠之於心思以會其精此予  
得之於先生故因其請而筆之  
直欲以是而望諸來學也是為  
賜進士文林郎知嵯縣事太邑  
仰松譚潛謹識

新刻通鑑集要目錄

卷之一

三皇紀

五帝紀

夏商周紀

卷之二

周紀

列國紀

秦紀

卷之三

漢紀

附王莽

通鑑集要  
目錄  
卷之四

漢紀

卷之五

後漢紀

附 魏 吳 晉 三僭國

晉紀

南北朝

宋紀

附北朝魏紀

齊紀

附北朝魏紀

梁紀

附北朝魏紀 東魏 北齊

陳紀

附北朝後周 北齊

隋紀

附北朝後周

卷之六

唐紀

附武后

卷之七

唐紀

五代

後梁紀

後唐紀

後晉紀

後漢紀

後周紀

卷之八

宋紀

卷之九

宋紀

卷之十

元紀

# 歷代帝王

天皇  
地皇  
人皇

伏羲  
神農  
黃帝

少昊  
顓頊  
帝嚳  
帝堯  
帝舜

夏

篡國王相  
之時有窮  
后羿逐王  
相居而立  
羿臣寒浞  
殺羿又殺  
王相篡國  
凡四十年

商

魯齊  
陳曹  
燕蔡

衛  
宋  
楚  
晉  
秦  
鄭

東周

秦韓  
魏楚

燕  
趙  
齊

秦

漢

篡國孺  
子時王  
莽篡漢  
國號新  
凡十四  
年誅滅

東漢

後漢

魏

晉


兩晉間  
國

前趙  
後趙  
前秦  
後秦  
後燕  
前燕  
後秦  
前涼  
後秦  
前涼  
西秦  
後秦  
西涼  
後秦  
西涼

東晉

前燕  
南燕  
後蜀  
南涼  
大夏

# 傳授之圖



## 潘氏總論

治天下有道  
治天下有法  
治天下有本

人心悅而天下  
和  
三者之要在身  
三代純用禮樂

夫子作春秋以  
正王化

陽節潘氏榮曰：治天下有道，親賢遠姦，明而已矣。治天下有法，信賞必罰，斷而已矣。治天下有本，禮樂教化，順而已矣。明則君子進而小人退，斷則有功勸而有罪懲，順則萬事理，人心悅而天下和。三者之要在身，身端心誠，不令而行矣。故唐虞三代之治，純用禮樂，教化大行，不言而信，不怒而威，無為而治，如斯而已。及其衰也，夏以妹喜，桀之寵妃商以妲己，紂之寵妃周以褒姒，幽王寵妃。此不能修身所致，是佚欲之亡人，而百令不從矣。周室東遷之後，周始建都于鎬，至平王又遷都于洛，是為東周。王政不行，諸侯多僭，故夫子自衛反魯，作春秋以正王化。至於戰國，王室陵

孟子陳王道以正人心  
聖賢為萬世生民而發

漢高豁達大度  
漢高可與有為

張良辟穀

漢文沉潛而不能剛克  
漢武高明而不能柔克

修己立誠之道

漢武悔心之萌

漢昭識上官桀之詐

霍光不學無術  
霍光不能以道事君

光武有志於治

孔明有王佐才

董子有大志  
鄧揚不識保身之機

夷分崩離析故孟子去魏適齊陳王道以正人心是皆

聖賢為萬世生民而發也自茲以還旋音迹熄澤竭人私

其身以保身為貴而不知忠君之義如楊朱之徒是也士私其學以異端為學而不識聖學

之真如荀卿之流是也異端蜂起聖學榛蕪如榛荆荒蕪周孔之學秦漢而

下安危不一難以悉舉姑取其最關於綱紀者而論之

漢高之興去古未遠豁達大度從諫如流可與有為之

君也狀以輕士嫚罵如踞床吐哺罵酈生之類凌辱大臣如夷族韓彭之類

張良托以辟穀何參平勃以詐以力天下雖安而古禮

不復古樂不作從茲始矣可勝惜哉漢文沉潛而不能

剛克漢武高明而不能柔克西向讓三南向讓再夫何

踐祚之初示民以詐短喪之制又安用之故民雖庶富

而修己立誠之道幾乎息矣此論文帝治喪窮兵黷武以日易月為數

虐民事神而海內虛耗至輪臺之詔天理藹狀其悔心

之萌乎此論武帝窮兵黷武如征單于征大宛斬鄧支之類虐民事神如剖民之財東封西禪之類

不狀則亡秦之續耳漢昭十四而識上官桀之詐似可

有為惜霍光不學無術不能以道事君如廢昌邑王及作威作福之類

光武有志於治如首舉文臣卓茂之類而輔相亦非其人如馮異耿弇之類

類孔明有王佐之才而當姦雄曹操僭竊之際董子雖有

大志而亦不得其位鄧騭楊震之徒不識保身之機騭陽承

初三年為大將軍五子皆封侯及太后崩不知退被宮人誣鄧廣宗謀廢立陶與五子皆自殺袁延光時為太

尉上書諫宦官專權楚畧等共譖之策外戚之禍王莽追印綬還歸故郡行至咸陽飲鴆而妃

內豎之變曹節王中移於王莽卒壞於董卓曹操承之

太宗號為英主

太宗勵精求治

希世賢君

魏徵辰羸之喻

點壽  
沈兒

太宗垂統所致

五王有大功於  
唐  
韓陸勤懇於章  
奏

以移漢祚。又何言哉。唐之太宗，號為英主，百戰而有天

下，偃武修文，勵精求治，身致太平，刑措不用，亦希世之

賢君也。朕以君德論之，則用宮人私侍，以劫其父，世民

兵使裴寂將隋晉陽宮人侍其父也。納巢刺王妃而封子明，巢刺王，太宗弟元吉也。因

謀殺太宗，事泄被誅。太宗納其妃楊氏生子明，封曹王，使繼元吉之後。其謬已甚，若非魏

徵辰羸之喻，則明母又繼文德而后矣。太宗后文德皇

立妃楊氏為后，魏徵引辰羸之事以諫，乃止。辰羸，秦穆公女也。晉太子圉為質於秦，秦以辰羸妻之。子圉逃歸，

是為懷公。後子圉之叔重耳復往質於秦，秦以五女妻之。辰羸與焉。晉以叔姪亂倫，唐以兄弟亂倫，閨門

如此，其子孫又烏得有正家之法乎。是故武氏經事先

帝。武氏太宗之妃。高宗納以為后。太真，已配壽王。王，楊太真明皇子壽王。高宗之妃，明皇奪之。中

宗親為點壽於韋后。中宗之后，韋氏與武三思。雙陸，中宗為之點壽。明皇賜沈

兒錢於貴妃。沈祿也。卒為天下所笑，豈不皆由太宗垂統

之所致與。房杜王魏無忌，遂良狄仁傑，張九齡，姚崇，宋

璟，李泌，裴度之賢，猶不能救其君於蕩敗禮義之際，而

或以見疎。如太宗疑魏徵，阿黨高宗，疑無忌，遂良不軌，玄宗聽讒，疎九齡之類。張柬之，韓

彥範，崔玄暉，袁恕已，敬暉等討武氏之亂，反正廢主，有

大功於唐，而凌辱以死。柬之等廢武氏，斬張易之，昌宗，等復中宗之位，後被武三思之

謗，凌辱死。韓愈，陸贄，勤勤懇懇於章奏之間，而亦以獲罪。愈

潮陽贄。他尚何說哉。蓋唐之亂也，始於武韋。武后危於

貴妃壞於藩鎮。如魏博田承嗣，各用兵戰殺。亡於宦官。如韓全海等，

駕外遷，隨致羣奸並起亡國。而李勣，李義府，許敬宗，鄭湑，崔寔，武三

思，李林甫，楊國忠，李輔國，盧杞，元載之流，與后妃宦豎

暴秦以呂易嬴

弱晉以牛易馬

天速秦隋之滅

柴世宗粗有三代遺風

內外交締始終為難非一朝一夕之故暴秦以呂易嬴

始皇陽翟大賈是嬴亡於莊襄之手弱晉以牛易馬耶

呂下韋之子是馬滅於懷愍之時隋楊廣

恭王如夏后氏與小吏牛弑其父而自立即以敗亡又何足與論治天下之道乎

蓋以趙高楊素之姦而致扶蘇楊勇之死是天所以速

秦隋之滅也且秦政之暴過於隋堅楊廣之惡浮於胡

亥覆宗絕祀不亦宜乎宋齊梁陳至於五季禍亂相尋

戰爭不息名為君臣實為仇敵世降至此惟柴世宗名

太宗養粗有三代遺風愛民薄賦而使之不壽豈天將

啟宋世之治也與且自晉武之後惠懷無親骨肉相殘

如亮與瑯等八羣胡乘釁如石勒濁亂中原生民

塗炭未有甚於此時者也王謝陶阮王導謝安富貴風

流節行標致沛乎有餘江左之民亦賴以安朕朝廷之

得失姦雄之篡弑則亦邈乎其不能正也迨拓拔氏興

拓拔姓名珪國號魏至孝文帝改姓元氏故又號元魏佐以崔浩高允之徒既治

且安至於孝文風移俗易庶幾為禮義之邦矣宇文高

祖宇文姓名邕完顏世宗完顏姓名各其亦賢乎江左君

臣寧不知愧夫三年之喪自天子達於庶人文景以後

能行之者惟晉武帝魏孝文周高祖數君而已此夫子

所謂夷狄之有君不如諸夏之亡也朕自晉至隋南北

之君率多不得其死惠帝為司馬越所鳩懷愍並為劉

為太子楊廣所弑煬帝為宇文化及所弑南朝宋文帝

通鑑集要

息論

四

江左亦賴以安

孝文移風易俗  
孝文禮義之邦

所謂不如諸夏



近代法網之密

忠愛之心油狀而興

曹彬誓不妄殺

使知不留之意

道成所弒齊昭業昭文俱為蕭鸞所弒梁孝元為蕭譽所弒文帝為馮太后所弒孝明帝為胡太后所弒節閔帝為高歡所弒孝文帝為宇文泰所弒孝靜帝為高洋所弒後周閔帝明帝又俱為宇文護所弒盡以國亡族滅其故何也蓋得之以不仁上行而下效身為天子死無噍類嗚呼哀哉至于宋祖未嘗為學晚好讀書歎曰堯舜之世四凶之罪止於殺竄何近代法網之密耶於是立法鞭朴不行於殿陛罵辱不及於公卿故臣下得以有為而忠君愛國之心油狀而興矣命曹彬下江南則戒以切勿暴掠生民故彬至城下焚香約誓一不妄殺凱還之日行李蕭然遣吳越歸國而使知不留之意吳越王來朝羣臣多欲留之太祖獨封處將相之間則喻以相安之情喻石守信等待諸降王以賓禮如待吳越王錢俶荆南王高保權廣南漢王劉鋹西蜀王孟昶南唐王李昱以客禮也易諸節鎮以儒臣以儒臣為知州等官使舉德行孝弟之士以隆禮義廉耻之風嗚呼人主如是亦庶乎其知九經之義哉且曰洞開重門正如我心少有邪曲人皆見之蕩平平之道不外是矣太宗即位之初首開崇文館與諸王宰相繙閱書籍次選文章有德之士教道王子且戒之曰必以忠孝為先又能作興文學以風四方而人才於是乎出矣至于仁宗力行恭儉正身率人終始如一升遐之日雖深山窮谷亦莫不奔走悲號如喪考妣非有得於人心而能如是乎英宗氣質尤美謙恭以任賢臣如用文彥博等而天下無事暨于哲宗之初是為垂簾之

人主知九經之義

蕩平平之道不外是

興文學以風四方仁宗終始如一

英宗謙恭任賢

通鑑長要

恩命

五

元祐號稱治平  
人才之盛莫過於宋

文章德業前世無

太平天子  
女中堯舜  
神宗刻意圖治  
神宗傾心安石  
君臣以齊  
宰相

宋不得與於斯  
文  
真儒皆王佐之才

宋君仁厚有餘  
宋臣德業有加

政宣仁高皇有言曰苟有利於社稷吾何愛於髮膚任

賢不貳開司馬去讒不疑法蔡故自建隆至於元祐號

稱治平之世而人才之盛亦莫過於宋矣初有趙普范

質李沆張齊賢向敏中寇準蔡襄晏殊王旦王曾杜衍

趙抃諸呂之輩復有韓范富歐陽蘇張文呂司馬之徒

俱為大賢文章德業前世無比相繼以興為之輔相當

此之時君君臣臣父父子子夫夫婦婦百姓謳歌謂之

太平天子又稱宣仁為女中堯舜嗚呼休哉神宗刻意

圖治上慕唐虞傾心安石君臣之間求濟斯道未嘗不

以堯舜相期東周以來未之有也世方仰其有為庶幾

復見都俞吁咈之治惜安石之學既執而蔽引用凶邪

如呂惠卿反治為亂使天下之人囂然喪其樂生之心卒

之羣姦繼進如章惇蔡釀成靖康之禍宋徽欽二宗用

人可不謹哉當此之時上有好治之君下有慕治之民

而濂洛羣哲如周程張曾無一人登相臣之位者是宋

不得與於斯文也豈天未欲使茲世躋堯舜之域與何

道之不行也嗚呼真儒輩出悉皆王佐之才哲宗以後

寧宗以前指以朋黨斥為偽學竄逐禁錮崇寧間蔡京

軾程頤等為姦黨慶元間始無虛日姦邪疊興為國大

蠹始於呂惠卿終於賈似道互為汲引相繼升於廟堂

用舍如此安得不亡乎蓋宋之人君仁厚有餘而剛斷

不足宋之人臣德業有加而道則未盡如寇準明乎

真宗不知寇準之貶

大防何以至虔州

秦檜通天之罪

天祥身任三百年綱常之重  
祖宗尊賢敬士之報

人君端其本原

二帝三王之道以接乎孟氏之傳者周程又謹其進退

之義故終宋之世亦只如此而已使賢者不能無遺恨

於斯世也且真宗不知寇準之貶天禧四年丁謂貶寇準於萊州真宗不知

神宗不識惠卿之奸熙寧七年惠卿變新法而神宗反以為忠又豈不為明

君之累邪至於哲宗昏庸尤甚信任姦慝屏逐忠賢却

問呂大防何以至虔州紹聖四年章惇貶大防哲宗不知却問大防何以至虔州左

右不對亦可羞也岳飛破虜幾還兩宮秦檜矯詔班師

而殺之徽欽二宗在北庭岳飛進兵汴京將破其虜兀木憂懼欲遷都秦檜矯詔班師殺之高宗

若不問也通天之罪尚忍言哉張浚趙鼎真德秀魏了

翁之賢立朝未久非惟不能以正群邪之罪而反有貶

責竄逐之寃紹興五年浚黜皆相紹興八年浚黜皆貶理宗慶元八年召德秀了翁未期年為史

彌遠秦檜韓侂胄史彌遠賈似道以元凶居相位登進

同類布滿朝廷祇為身謀卒以誤國而人主方以為忠

豈復望其有三代之治乎文天祥拜相於國事既去之

餘端宗景炎元年而能以身任三百年綱常之重從容就義於

顛沛流離之際為國之光是亦豈非祖宗尊賢敬士之

報與蓋其興也以大臣之賢趙普其亡也以大臣之姦

秦檜故雖有大臣之誤王安石而亦有大臣之報天祥為

人君者可不辨其邪正而端其本原哉夫正身以正朝

廷正朝廷以正百官百官正則萬民莫敢不正萬民正

則四夷賓服而天下安矣東夷西戎南蠻北狄自古有

之舜生於諸馮東夷之人也文王生於岐周西夷之人

也。匈奴突厥，五胡北魏，契丹女真，世有位號，若使吾無  
 間而可入，則幽王不死於犬戎，明皇不敗於祿山，呼延  
 晏劉曜不能以陷晉都，而懷愍不辱於強虜矣。史衣幹  
 離不粘罕不能以犯宋京，而徽欽不死於漠北矣。執蓋幹  
粘罕二人皆遼將也虜去徽欽二帝蓋天下有道則四夷來王，萬邦咸休，  
 天下無道則干戈之禍不特在於四夷，而且在于蕭牆之  
 內矣。故得其道則治，失其道則亂。堯舜之道，孝弟而已  
 矣。修己以安百姓，唐虞之治也。勞身而焦思，夏禹之治  
 也。六事以自責，成湯之治也。作無逸，陳幽詩文，文武成康  
 之治也。除秦苛法，與民自新，偃武修文，勵精求治，舉德  
 行，興孝弟，隆禮義，尚廉耻，此漢祖唐宗宋祖之所以興

文武成康之治

漢唐宋所以興

也。末世崇尚虛無，信誘邪說，垂及敗亡，猶不能悟。齊元  
 為周師所圍，尚講老子。齊元即北齊後土高緯也。被後  
周兵師至城下披甲尚講道德  
經梁武為侯景所逼，惟談苦空。禪云有一二空外空之類事  
 佛之謹，舍施之多，無以逾於梁武。武帝三捨身為寺家奴奉道之  
 勤，設醮之厚，又何以加於道君也。徽宗朕則餓死臺城，而  
 佛不之救，受辱漠北，而道亦不聞。秦皇漢武窮極以求  
 神仙，了無證驗。楚王英。漢之藩王也敬信沙門之法，卒以誅  
 夷，契丹入寇，王欽若出守天雄軍，束手無策。閉門修齋  
 誦經而已，用此數者，曾何補於治道哉。狄仁傑巡撫江  
 南，奏毀吳楚淫祠千七百所，所存唯夏禹泰伯季子伍  
 員四祠而已。胡穎經畧廣東，毀佛像而殺妖蛇，杖僧人

王欽若守天雄

閉門修齋誦經

數者何補治道

仁傑毀淫祠

仁傑所存四祠

胡穎經畧廣東

胡穎殺蛇

卷一百一十五

萬代瞻仰

以脫愚俗所過淫祠則必焚之胡穎三國時人為廣東  
祭出食酒肉又云必要人祭穎碎而殺之而杖其守護  
之僧以脫愚俗之惑淫祠盡毀焚之以解世人之疑  
 此萬代之所瞻仰也嗚呼自漢以來不能紹述三王之  
 道而佛老之教反自明帝始永平之間遣使之天竺得  
 佛經四十二章緘之蘭臺石室以佛像繪之清涼臺顯  
 節陵明帝時遣博士蔡愔等十八人往迎佛法而釋伽  
佛始入中國心經大悲咒等四十二章緘之蘭臺  
石室以佛像繪於清涼臺其臺冬無大寒夏無大暑故名顯節陵  
 靈帝始立祠于宮中  
 以奉之又有人飛仙變化之術丹藥符籙之技禱祠醮祭  
 之法沉淪鬼獄之論皆以老氏為宗而名曰道晉魏以  
 來其法漸盛僧尼道士日以益眾元魏孝文號為賢主  
 亦幸其寺修齋聽講至如石勒之於佛圖澄石勒五胡

佛圖澄僧名符堅之於沙門道安符堅亦一胡也道安  
石勒信事之  
 姚興之於鳩摩羅什姚興亦五胡之一也  
 於寇謙之拓拔大武北魏之主也謙  
 真歸真道士名宋道君之於林靈素靈素道士名  
武宗敬事之  
 事以師禮不聞有福利之報而皆得奇異之禍石勒為  
殺符堅為慕容廆所殺寇謙之為  
宦官宗愛所殺道君為遼人虜去  
 覆轍相筭迷而不悟  
 流弊千有餘載漢明帝身得以逃其責哉先儒有言佛  
 老之害甚於楊墨况復有鬼怪人妖邪說暴行雜狀並  
 興以惑世誣民者乎孟子曰楊墨之道不熄孔子之道  
 不著韓愈之說曰人其人火其書廬其居明先王之道  
 以道之嗚呼其要固在於明先王之道耳此盛彼衰自

漢明帝身得以逃其責

要在明先王之道

明道之實

武帝好儒術  
仲舒修已治人  
之策

程伯子稽古正  
學定志之論

狀之理也。辨人才，審治體，明教化，厚人倫，此明道之實也。武帝好儒術，董仲舒進修已治人之策，而帝之所與論者，公孫弘、東方朔、司馬相如之徒，卒事封禪，以蕩其志。神宗慕王道，程伯子上稽古正學定志之論，而上之所與謀者，王安石、呂惠卿、章惇、蔡卞之流，創制新法，以擾其民，用舍之間，安危所繫，袁紹不起，則五族忠賢之禁不除。漢靈帝熹平五年，宦官專權，羅織賢士，禁銅黨人，爰及五屬，袁紹為渤海太守，起兵討宦官，其除禁始。劉裕不興，則藩鎮強，臣之患不息。劉裕晉世藩鎮篡位，劉裕起而滅之，裕後受晉禪，為南宋高祖。朱溫不來，則宦官宮妾之亂不止。朱溫唐末人，時宦官宮妾互相為亂，朱溫入汴，收而誅之，後為梁高祖。朕癰疽既潰，而大命隨之，蓋人君之喜用奸邪者，其得以從已之欲而

已，人臣之欺罔其君者，亦欲以固其寵祿而已。朕君以逸欲滅國，臣以寵祿滅身，前車既覆，後車不戒。及至君亡國滅，其臣又安得以獨存哉！是故秦未亡而李斯趙高先夷，三族漢未滅而宦官張讓等一千餘人已就誅。夷王莽盜竊神器，而傳首詣宛。光武在宛，諸將既誅王莽，以其首傳至於宛。梁冀七侯三后。和帝之母，冀之姑也。順帝之后，冀之妹也。六貴人，冀之二大將軍，梁冀父子，卿將尹校五十七人，無少長皆棄市。專權恃寵，而致家中收其財貨，合三十餘萬萬，以充王府之用。明皇幸蜀，李林甫斲棺鞭屍。林甫唐之奸相，祿山已死，將士取楊國忠斷頭注槩。國忠楊貴妃之兄，明皇其屍鞭之。楊國忠斷頭注槩。國忠常言祿山欲反，明皇不聽，國忠欲取信已言，激祿山為亂，明皇幸蜀，至馬嵬，將士饑餓憤怒，爭前殺之，以其頭注于槩，示衆。

唐祚未終而先斬韓全誨等一百六十五人為李茂貞所殺復

殺第五可範朱全忠所殺以下數百冤號之聲徹于內外崔

胤之徒亦隨授首徽欽未亡而蔡京童貫王黼梁師成

已先就戮南宋未滅而賈似道先死於鄭虎臣之手道似

賈似道南監押秦檜削奪官爵韓侂胄梟首淮濱由此

觀之昔之壅蔽聰明以圖利已者皆所以自滅而巳可

不戒哉故為君難為臣不易治亂興亡之所由也可不

慎哉嗚呼觀人才之吉凶知邦家之休戚漢儒有言曰

正其誼不謀其利明其道不計其功蓋人品不同而事

業亦異是不可以成敗論英雄也諸葛亮輔漢於蜀狄

仁傑反周為唐武后號國後周其必一也郭汾陽克復

油亂興亡之所

正誼明道

仁傑反周為唐

汾陽克復二京

武穆志存雪恥  
心一道同

子儀功蓋天下

臣子所安

安漢公曹將軍  
之墓  
如鬼如龍

為李茂貞所殺

朱全忠所殺

道似

賈似道南監押

秦檜削奪官爵

韓侂胄梟首淮濱

韓侂胄梟首淮濱

韓侂胄梟首淮濱

韓侂胄梟首淮濱

武后號國後周

二京子儀封汾陽王唐初建都長安曰西京而終身富

貴岳武穆志存雪耻而身死權姦秦檜其道同也孟德曹操

字睥睨神器狐媚欺孤恨文若九錫之勸而致之死篡

逆之所為也董昭欲加曹操九錫荀文若曰曹公本興

不悅文若恐置之義兵以匡國君子愛人以德不宜如此操

法遂飲藥而死子儀功蓋天下位極人臣杖郭曖肆

言之失而歸朝待罪臣子之所安也郭曖子儀子也尚

調曖曰汝倚乃父為天子耶我父薄天子不為主志入

奏子儀因曖入待罪代宗曰不痴不聾不作阿家翁兒

女房聞之平生姦偽死見真性曹操臨終始知篡位為

言勿聽非戒其子曰題我墓當操之聽但云分香賣

如龍也蘇東坡所作諸葛亮祭蘇武持漢節於匈奴是

舍生而取義

武留匈奴十九年節旄盡真卿陳禍福於

希烈乃殺身以成仁

李希烈偽立據地顏真卿曉李陵

衛律罪通于天

李衛二人出使匈奴就邦昌劉豫心委

于虜

張邦昌宋臣元人亦立之如邦昌故事二人皆服于

虜霍光擁立二君而子孫夷滅是履盛滿而不止也

光

昭帝立宣帝及光沒霍禹霍雲霍山被

韓琦定策兩朝

而德望蓋世識用舍行藏之道也

琦定英宗哲宗兩朝

退而退及王安石

陶潛為晉處士心逸而日休

潛為彭

裕移晉祚潛賦歸去

楊雄為莽大夫心勞而日拙

楊雄

雲漢成帝之世以秦賦為郎給事黃門歷成哀平三世

不遷官及王莽篡位轉為大夫嘗作太玄經擬易作法

言擬論語稱莽功德比伊周作劇秦美新之文劉蕡從

從閣上自

諸葛入寇晉史自帝魏也

晉史以魏承大統

丞相出師漢賊明大義也

賊指廢帝為王武后廢中宗

唐經亂周紀也

武后號國曰周帝在房州萬古開羣蒙

朱子感興詩春秋二三策萬古開羣蒙朱子作綱目

也不書中宗為王每年之首書帝在房州人皆不識故

云萬古開故自初命晉大夫為諸侯以來千三百六十

二年之間誅亂賊於既死正名分於當時定褒貶於往

孔子

前示勸懲於來世此綱目之所以繼獲麟而作也

作春

麟至獲麟廣微魁天下於少年敬仲戒之必念千里生

民之寄廣微袁甫字也嘉定九年少年狀元及第嘗受

士廣微為青田縣尹敬仲楊簡字也理宗朝為寶謨閣學

戒之必思千里生民之寄希元以命訊日者和叔教以

萬古開羣蒙

綱目繼獲麟而  
作  
敬仲念千里生  
民之寄

韓琦定策兩朝  
韓琦識用舍行  
藏之道  
陶潛心逸日休  
楊雄心勞日拙

通鑑集要

卷一百一十一

十一



通鑑集要  
建安青田百世師

殊轍同歸

閱道治心

宗朝為國子祭酒。因教德是故。建安與青田俱為百世

秀。須忘富貴利達之心。希元為建安先生。能忘富貴利達之心。廣微為青田

師。先生能受生民所寄之戒。故皆可為百世之師。循序及修省工夫齊妙用實殊轍而同歸。修省言生知

功一也。俱指建安青田而言。何後學之有異。且晝所為

則夜必焚香以告于帝。豈閱道之治其心乎。閱道趙抃

宋神宗朝。夜歸必以日。因妻邪謀而毀謗朱子。以媚侂

胄。乃鄉人之喻於利也。朱子為浙東提刑。至台州。知州

實。上章劾奏。王淮為丞相。其妻與仲友外兄弟。淮匿其

怨。不以聞。淮既罷。韓侂胄為相。朱子上書忤侂胄。侂胄

皆道學之人。即以道學日為偽學也。馮道歷事於五季

梁。唐。晉。惟恐失之。嚴光加足於帝腹。忘其貴也。嚴光字

漢。周。漢光武同學。及光武為帝。召光至朝。夜同寢。光以足加

帝腹。明日太史奏曰。昨夜客星犯帝座。光武曰。朕與故

雲長大節

人子陵。明燭以達旦。乃雲長之大節。雲長關羽字也。與

共臥耳。飛三人。結義為兄弟。建安五年。曹操擊備。備與飛赴敵

敗走。時羽在下邳。與昭烈后卞氏共為曹操所虜。居一室。羽避嫌。明燭以至天明。却衣而凍死。實陳三

之細事。陳三即陳無已也。建中靖國元年。從徽宗郊天

凍。少事偽朝。官至郎署。陳情之謬。音也。承正統而陳情

表云。少事偽朝。求仁得仁。抑又何怨。告墓之正也。宋承

故口。陳情之謬。天祥被元兵所虜。安南遣人祭。君親雖曰不同。忠孝本

父。革齋先生。故曰告墓之正。無二致。是非得失。乃在乎人。千載之下。公論不泯。其亦

可畏也哉。蓋人才難得。為民上者。宜有以作成之也。是

故。欲治之君。須知為治之要。夫治也者。親賢遠姦。信賞

欲治須知為治之要

忠孝本無二致

陳三細事

必罰。明禮義。謹學術。以身先之。使民知趨向之方。上下

師道尊而善人多  
朝廷正而天下治  
為治以人才為本  
求人才以教化為先  
治天下者本諸身  
賢才輔而天下合

相師而人才出矣。如此則師道尊而善人多。朝廷正而天下治。百姓太和。萬物咸若。蓋為治必以人才為本。求人才之道。又以教化為先。欲行教化。非興禮樂不可也。不興禮樂。則教化不行。教化不行。則民無所措手足。無所措手足。則三綱不正。九疇不敘。而欲致天下之治者。遠矣。故治天下者。必本諸身。身端心誠。則賢才輔而天下治矣。書云。慎厥身。修思永。詩云。上帝臨汝。無貳爾心。無貳爾虞。上帝臨汝。此之謂也。

新鐫通鑑集要卷之一

浙餘姚諸燮理齋編輯

茸城思白董其昌重校  
雲間眉公陳繼儒參閱

○三皇紀

盤古氏 又曰渾敦氏

相傳首出御世者曰盤古氏

盤古猶言盤固也。渾敦未昭晰之謂也。

胡五峯曰。盤古生於大荒。明天地之道。達陰陽之變。為三才首君。于是混茫開矣。

天皇氏 取天開於子之義也。

天皇氏澹泊無為而俗自化始制干支

干。榦也。其名有十。即甲乙丙丁戊己庚辛壬癸是也。支。枝也。其名有十二。即子丑寅卯辰巳午未申酉戌亥是也。

以定歲 周靜軒曰。天皇氏立十干定歲。十二支定時。歲時既定。民始知天道所向矣。帝王御世良法。不肇端于此哉。

帝王御世良法  
始制干支以定歲  
澹泊無為而俗自化

首出御世  
三才首君

爰定三辰

聖人創制立法  
聖人垂憲萬世

政教君臣所自  
起

始構木為巢

聖人有功于民  
物

地皇氏取地闢於  
丑之義也

地皇氏爰定三辰三辰謂日  
月星也分晝夜以三十日為一月

周靜軒曰聖人創制立法垂憲萬世其功豈小補哉

人皇氏取人生於  
寅之義也

人皇氏相厥山川分為九區當時萬物羣生淳風沕穆政

教君臣所自起飲食男女所自始

有巢氏

太古之民穴居野處有巢氏構木為巢教民居之以避爪

牙肉毒之害食草木之實飲禽獸之血而茹其毛取其皮

蔽前後周靜軒曰有巢氏教民居食稼穡使不為禽獸所  
傷此聖人有功于民物也

燧人氏

燧人氏始鑽木取火教民烹飪作結繩之政為日中之市

有四佐曰明由必育成博慎丘

○五帝紀

太昊伏羲氏太昊之母居華胥之渚履巨人跡因娠生帝  
以木德土故風姓有聖德象日月之明故曰

太昊養六畜以充庖厨且以為犧牲享神祇故又曰  
庖羲氏在位一百一十五年

以木德繼天而王帝德合上下天應以鳥獸文章地應以

河圖洛書始畫八卦因而重之為六十有四造書契以代

結繩之政書制有六一象形二假借三指事四會意五轉

註六諧聲使天下文字必歸六書作甲歷制嫁娶正姓氏

通媒妁以龍紀官作荒樂歌扶徠以脩身理性反其天真

而樂音興焉

始作結繩之政

燧皇四佐

聖德象日月之  
明

帝德合上下

造書契以代結  
繩之政

八卦六書

天下文字必歸  
六書

修身理性

萬世文字之祖  
開物成務之學  
造化之秘泄于  
此  
聖道之統亦始  
于此

鍊石補天  
斷鰲立極

始教民樹五穀

作方書而醫道

陳定宇曰伏羲畫卦教民決嫌疑定猶豫使不迷於吉凶悔吝之塗蓋非特為萬世文字之祖實開物成務之學也造化之秘泄於此聖道之統亦始於此矣

女媧氏

與太昊同母生而神靈佐太昊滅共工氏

共工氏

太昊氏沒共工氏曰康回者髦身朱髮任智自神

于湛樂淫佚其身欲墮防百川墮高堙卑以害天下皇大弗福庶民弗助女媧氏戮之共工氏遂亡  
趙雪融曰外紀載諸侯共工氏與祝融氏戰不勝而怒乃頭觸不周山崩天柱折地維缺女媧鍊五色石補天斷鰲足立四極聚蘆灰止滔水于是地平成以愚鄙見不周山既云天柱必千仞之高共工氏身雖長不過一丈力雖大不過百鈞豈能頭觸其山而崩之若補天之說尤謬矣

炎帝神農氏

姜姓以火德王故曰炎帝在位一百四十年

帝斲木為耜揉木為耒始教民藝五穀興農事又作方書

以療民疾味草木之滋察其寒溫平熱之性辨其君臣佐

使之義而醫道立矣有火瑞以火紀官○諸侯夙沙氏叛

炎帝益脩厥德夙沙氏自攻其君而來歸其地

林天台曰聖人一心即天地無一民不遂其長養之性

趙雪融曰外紀載伏羲人首蛇身神農人身牛首不知二聖乃開物成務之祖顧有此怪異之貌乎不足信矣

黃帝有熊氏

黃帝之母曰附寶感電光繞北斗而有娠生帝帝有土德之瑞故稱黃帝諱軒轅以姬為

姓在位一百年

軒轅脩德治兵與炎帝榆罔戰勝又殺蚩尤於涿鹿諸侯

來歸即帝位○黃帝以雲紀官得六相而天地治風后明

常察地利蒼龍辨東方祝融辨南方大封辨西方后土辨北方帝受河圖始有星官之書

命大撓作甲子命容成作蓋天以象周天之形命大容作

咸池之樂命車區占星氣帝作冕裳宮室之制遂作合宮

聖人一心即天

地

三聖開物成務

之祖

電光繞斗

治六相而天地

治

黃帝受河圖

大容作咸池

屈軼生庭  
鳳凰巢阿

黃帝文明之漸  
六術律曆之要  
黃鍾為十二律  
之本  
律者萬事根本  
垂衣裳而天下  
治  
黃鍾萬事根本  
大星下臨華渚

以祀上帝命審封赤將以利器用命共鼓化狐作舟楫以  
濟不通咨岐伯作內經命元妃教民蠶畫分九野而政教  
布焉時有草生于庭佞人入則指之名曰屈軼鳳凰巢于  
阿閣麒麟遊于苑囿

胡雙湖曰伏羲神農其風猶朴畧至黃帝實為文明之  
漸非復前日朴野之俗矣六術之中律曆為要曆以斗  
柄建寅春正月為歲首律以黃鍾之宮聲發於自朕為  
十二律之本度量衡之所由出三者合律朕後措之天  
下田可分祿可均禮可制樂可作故律也者萬事之根  
本也其通變而使不倦神化而使民宜垂衣裳而天下  
治者  
如此

少昊金天氏 名摯姓姬黃帝之子玄囂也母曰嫫祖感大  
星如虹下臨華渚之祥而生帝在位八十四  
年

鳳凰適至因以鳥紀官帝作大淵之樂以諧人神和上下

九淵

是曰九淵

瑤光貫月之祥

顓頊高陽氏 姬姓祖曰黃帝父曰昌意昌意娶蜀山氏之  
女曰女樞感瑤光貫月之祥生帝以水德王  
初國高陽故號高陽  
氏在位七十八年

五星會于天歷

帝作曆以孟春之月為元是歲正月朔旦立春五星會于

天歷營室冰凍始泮蟄蟲始發雞始三號故顓頊帝為歷宗

承雲

又作承雲之樂

帝嚳高辛氏 名叒姓姬少昊之孫佐顓頊受封于辛以其  
肇基于辛故號高辛氏以水德王在位七十  
年

九招  
執中而徧天下

命咸黑作九招之樂帝執中而徧天下莫不服從上繼百

開萬世執中之  
傳

年配天之治下開萬世執中之傳帝有四妃曰姜嫄與帝

赤龍飛燕之祥

禋祀上帝而生稷曰慶都有赤龍之祥孕十四月而生堯

氣化形化

赤龍玄鳥之祥

儒者莫要于窮理

如天如神  
如日如雲

曰簡狄有飛燕之祥而生契曰常儀生子摯

胡五峯曰天地之間有氣化有形化姜嫄履天帝之武而有子不可謂怪至謂應都感赤龍之精而生堯簡狄吞玄鳥之卵而生契則誣矣西漢薄太后有蒼龍據腹之祥而生文帝若非史氏記之詳明則後世必謂薄與龍交而生子矣是故儒者莫要於窮理

帝堯陶唐氏

翼善傳聖曰堯帝嚳之子以火德王在位七十二年

元載帝即位帝之為君也其仁如天其智如神就之如日望之如雲富而不驕貴而不舒茅茨不剪素題不枿大路不畫犬羹不和衣履不做盡不更為存心於天下加志於窮民一民饑曰我饑之也一民寒曰我寒之也一民有罪曰我陷之也仁昭而義立德博而化廣故不賞而民勸不罰而民治○治天下五十載不知天下治與不治乃微服

仁昭義立

康衢童謠

擊壤歌

帝力何有于我

華封三祝

繳風射日

作大章樂  
冀莢生庭

遊于康衢聞童謠曰立我烝民莫匪爾極不識不知順帝之則又有老人含哺鼓腹擊壤而歌曰日出而作日入而息鑿井而飲耕田而食帝力何有于我哉○帝巡狩觀于華華封人曰請祝聖人使聖人富壽多男子帝曰多男子則多懼富則多事壽則多辱封人曰天生萬民必授之職多男子而授之職何懼之有富而使人分之何事之有天下有道與物皆昌天下無道修德就閒千歲厭世去而上仙乘彼白雲至于帝鄉何辱之有○時十日並出焦禾殺稼又有大風楔兪封豨脩蛇為民害堯使羿繳風射日又殺契兪斷修蛇擒封豨萬民大悅○洪水為災四岳舉鯀治之九載弗績○作大章樂○有草生庭十五日以前日

生一葉以後日落一葉月小盡則一葉厥而不落名曰莫

英觀之以知旬朔

心法身法

聖學始終之要

二字實自堯發

大學八條目始

此中庸九經亦始

于此開千萬世聖學

之源一元文明之會

帝堯萬世之功

盡在春風和氣

中聖人至公無私

八元八愷

元愷世濟其美

胡雙湖曰書稱帝德曰欽明文思安安帝之心法也允

恭克讓帝之身法也欽存於中恭見於外敬誠為聖學

始終之要也聖經明德二字實自堯發之大學八條目

亦始於此不但是也授受之際口允執厥中中之為義

之源自堯發之中庸九經亦始於此朕則開千萬世聖學

熊勿軒曰自羲農黃帝之後堯又適當一元文明之會

維時法度禮樂彰朕著明如日月行天亘古常見蓋萬

世之功也趙雪航曰天地開闢至堯之世七政舉九州別人文著

於變時雍天下盡在春風和氣中矣羅景倫曰堯不以天下與丹朱而與舜皆謂聖人至公

私無

帝舜有虞氏

仁聖盛明日舜姓姚黃帝八代孫以土德王在位六十一年○高辛氏有才子八人天下

謂之八元舜舉之使布五教高陽氏有才子八人天下謂之八愷舜舉之使主后土元愷世濟其美

元載帝求賢自輔設旌陳鼓以廣言路和五聲以通八風

彈五絃之琴歌南風之詩曰南風之薰兮可以解吾民之

愠兮南風之時兮可以阜吾民之財兮○時景星出慶雲

興鳳凰來儀天下明德自帝始○舜命禹征有苗三旬苗

民逆命禹班師帝乃誕敷文德舞于羽于兩階七旬有苗

格○帝南巡狩崩于蒼梧之野

陶天台曰明君以求賢為急聖學以得賢為要舜猶求

賢自輔宜垂衣裳而天下治也聖人道大德宏如是哉

胡五峯曰讀五帝書而後知聖人澤及斯民之遠有功

于天下萬世也又曰包義神農黃帝堯舜五君者有先

天地開闢之仁後天地制作之義胡雙湖曰堯之命禹復益以三

言此十六字之傳為萬世心學之要也程子曰堯舜知他幾千年其心至今在○泰山雖高矣

三聖十六字之

夏王外紀卷一

六

設旌陳鼓

和五聲以通八

風歌南風而天下

治解愠阜財

景星慶雲

鳳凰來儀

舞于羽而有苗

格

明君求賢為急

聖學得賢為要

聖人澤民之遠

聖人有功于天

下萬世先天地開闢之仁後天地制作之義

傳

萬世心學之要

堯舜其心至公

在

一點浮雲過太

虛

流星貫鼎

聲律身度

執玉帛者萬國

懸物求諫

十起三握

下車泣罪

鑄九鼎以象九

州

王者協于上下

以承天休

禹盡生養斯民

之道

鑄鼎為萬世準

禹疏儀狄

天雨金三日

黃龍負舟

生寄死歸

視龍猶蠅蚘

夏紀

大禹受禪曰禹姓姁黃帝玄孫禹父鯀娶有莘氏女修已

元歲禹即位會諸侯于塗山承唐虞之盛執玉帛者萬國

○作樂曰大夏夏大也言能大堯舜之德也懸鍾鼓磬鐸

鞀以待四方之士曰教寡人以道者擊鼓諭以義者擊鍾

告以事者振鐸語以憂者擊磬有獄訟者搖鞀一饋十起

一沐三握髮以勞天下之民嘗出見罪人下車泣曰堯舜

之人皆以堯舜之心為心寡人為君百姓各自以其心為

心是可痛也○禹鑄九鼎以象九州

胡五峯曰左氏以為鼎者圖象百物使民知神姦者愚

以為誣矣王者協于上下以承天休乃以此為事而鑄

於鼎乎狀則禹所鑄者何始除洪水之害別九州之分

野差土田之高下定貢賦之式度立井田封建之經界

盡一時生養斯民之道矣

又鑄于鼎以為萬世準耳

儀狄作酒禹飲而甘之遂疏儀狄絕旨酒曰後世必有以

酒亡國者○時天雨金三日○禹南巡濟江黃龍負舟禹

歎曰吾受命於天竭方以勞萬民生寄也死歸也余何憂

于龍焉視龍猶蠅蚘顏色不變須臾龍逝○禹會諸侯於

會稽防風氏後至禹戮之○禹崩啓即天子之位

胡雙湖曰舜禹心法授受一中而已天乃錫禹洪範九

疇而皇極居五以一御八居中制外亦一中也夫子稱

禹乃曰吾無間朕蓋指其孝心純至者言之禹傷父以

治水殛死故直以此自任卒之建立偉績克蓋前愆至

於禘鬯而郊鯀禹之心可識矣故寧飲食之菲衣服之



孝立而萬善從  
禹聖由學而成  
觀河洛者思禹  
功

夫子定書而存  
甘誓  
帝王升降之幾

太康犯禽荒之  
戒

皇祖之訓豈欺  
我

命胤侯掌六師  
胤侯征羲和

一成一旅

其於立功也乎何有

張南軒曰禹之為聖本由學而成者也  
帝啓諸侯朝覲及謳歌訟獄不之益而之啓啓乃即位  
在位九年

元歲啓既即位乃即鈞臺以享諸侯時有扈氏無道威侮  
五行怠棄三正啓滅之○啓崩子太康立

胡雙湖曰啓繼父有扈氏不服夫子定書而存甘誓固  
見啓之奮發有為且著有扈氏之罪而帝王升降之幾  
從可識矣此見禹  
之傳子非有心也

太康啓子在位二十九年

元歲太康荒逸畋獵十旬弗歸有窮君后羿距之於河立  
弟仲康

胡雙湖曰禹之訓曰內作色荒外作禽荒甘酒嗜音峻  
宇雕墻有一于此未或不亡太康一犯禽荒之戒而竟

以失邦皇祖之  
訓豈欺我哉

仲康太康之弟在位十三年

元歲時羲和沈亂于酒日食罔知王命胤侯掌六師征之

○仲康崩子相立

帝相仲康之子在位二十七年

元歲帝相既立時權歸后羿相為羿所逐居菑丘各地依同

姓諸侯斟灌斟鄩氏○后羿代夏政其臣寒浞殺羿自立  
浞因羿室生澆澆長浞使滅斟灌斟鄩氏弑帝相后方娠

逃出歸于有仍娠生少康

少康帝相子在位二十二年○少康既長為仍牧正澆求

旅能布德光謀以收夏衆夏舊臣靡自有隔氏收二  
國之盛灌國穀之遺民舉兵滅浞而立少康焉

中興自少康始  
中興賢君賢臣

胡雙湖曰後之言中興者當自少康始少康其中興之賢君廢其中興之賢臣乎

帝杼 少康子，在位十七年。

帝槐 杼子，在位十六年。

帝芒 槐子，在位十八年。

帝泄 杼子，在位十六年。

帝不降 泄子，在位十九年。

帝扃 不降弟，在位十一年。

帝廙 泄子，在位二十一年。

帝孔甲 帝不降子，在位三十一年。

劉累豢龍

元歲孔甲好鬼神之事時天降二龍有劉累者學擾龍于

秦龍氏事孔甲能飲食之后龍一雌死潛醢以食夏后既

使求之累懼而遷于魯縣○孔甲崩子皐立

帝皐 孔甲子，在位十一年。

帝發 皐子，在位十三年。

履癸 發之子，即桀也。賊人多殺曰桀，在位五十二年。

元歲自孔甲以來諸侯多叛桀尤為無道伐有施氏有施

肉山酒池

氏以妹喜女焉妹喜有寵所言皆從為瓊宮瑤臺肉山脯

林酒池可以運船糟隄可以望十里一鼓而牛飲者三千

人妹喜笑以為樂關龍逢諫桀殺之湯使人哭之桀怒囚

湯於夏臺已而得釋伊尹相湯伐桀放桀於南巢而死夏

亡

右夏十七王共四百五十八年

商紀

成湯

除暴去虐曰湯。姓子黃帝之後，在位十三年。湯初號

解網更祝  
湯德及禽獸

商後盤庚改殷。○湯為諸侯時，出見人張網四面，乃解其三面，止置一面，曰：『不用命者，乃入吾網。』諸侯聞之，曰：『湯德至矣。』及禽獸歸者四十餘國。及放桀南巢，諸侯皆推湯於天子之位。

人禱

元祀大旱七祀太史占之曰當以人禱湯身嬰白茅以為

桑林禱雨  
六事自責

作大濩樂

聖人無過

湯文會逢其適

伊傅明其在我

伊尹是兩截人

五帝官天下

三王家天下

帝王不易之道

萬世至公之法

堯舜無優劣

自下無人如此

犧牲禱于桑林之野以六事自責曰政不節歟民失職歟

宮室崇歟女謁盛歟苞苴行歟讒夫昌歟言未已大雨數

千里又以莊山之金鑄幣救民之命作樂曰大濩言能救

也程子曰聖人無過湯武反之也其始未必無過所謂如

日月之食乃君子之過與或問湯之伐桀是聖人之任也文王三分有二以服事

商是聖人之清也楊龜山曰湯非樂為任文非樂為清

會逢其適而已程子曰伊尹之耕于莘傅說之築于巖天下之事非一

而已而學之天下之賢才非人人而知之也明其在我者

朱子曰伊尹是兩截人方其耕莘野若將終身是一截

人及湯三聘幡狀而往是一截人程子曰五帝官天下故與賢三王家天下故與子謂善

之盡則公而與賢不易之道也朕賢人難得而爭奪與

焉故與子以定萬世是亦至公之法也○堯與舜更無

優劣及至湯武便別孟子言性之反之自古無人如此

說只孟子分別出來便知得堯舜是生而知之湯武是

學而能之文王之德則似堯舜禹之德則似湯武要之

皆是聖人○聖人無優劣堯之讓禹之功湯武之征伐

伯夷之清柳下惠之和伊尹之任周公在上而道行孔

子在下而道不行其道一也許庸齋曰堯舜有子之不肖變也而能通之以揖遜湯

武遇君之無道變也而能通之以征伐聖人遇變而通

之惟達于自狀之數一毫之已私無與也胡雙湖曰唐虞之時泰和之景象也西啓之世亨通之

嘉會也夏商之末造其天時肅殺之秋乎揖遜於唐虞

家傳於夏禹放伐於商周聖人與時偕行耳觀四時則

知天觀天則知聖人矣知聖人矣太甲湯嫡孫太丁子在位三十三年

元祀太甲顛覆湯之典刑伊尹放之桐宮自攝政以朝諸

侯太甲居桐三年處仁遷義尹乃奉太甲復歸于亳號為

太宗太甲崩子沃丁立

胡雙湖曰天下惟中材最多是以不可無教太甲成王

固中材之主也非有伊尹周公則敗度敗禮者誰能使

說

要之皆是聖人

聖人無優劣

湯武順天應人

聖人遇變而通

聖人達于自狀

之數

唐虞泰和景象

聖人與時偕行

觀四時則知天

觀天則知聖人

處仁遷義

天下中材最多

二君為商周公

主 二君克紹前烈 學問之功大 師保之責隆 昭烈孔明知此 道 古今善用權者 莫如伊尹

妖不勝德 修德桑枯

之改。初冲有過者。又誰為之。抗世子之法。耶厥後二君。卒能克紹前烈。為商周之主。夫豈其性狀哉。學問之功。大。師保之責隆也。昭烈孔明。知此道矣。子。王子曰。古今善用權者。莫如伊尹。

沃丁 太甲子。在位。太庚 沃丁弟。在位。小甲 太庚子。在位。太戊 雍巳弟。在位。七十五年。

元祀。亳有祥桑。殺共生于朝。一暮大拱。伊陟曰。妖不勝德。君之政。其有闕歟。太戊脩德三日。祥桑枯死。商道復興。號

稱中宗。○太戊崩。子仲丁立。

仲丁 太戊子。在位。外壬 仲丁弟。在位。河亶甲 外壬弟。在位。祖乙 河亶甲子。在位。祖辛 祖乙子。在位。沃甲 祖辛弟。在位。祖丁 祖辛子。在位。南庚 沃甲子。在位。陽甲 祖丁子。在位。

盤庚 陽甲弟。在位。二十八年。元祀。時商道寢衰。耿都有河決之害。盤庚作書以告諭臣民。遂遷于亳。改商曰殷。行湯之政。商道復興。

作書告諭臣民 盤庚有六善

大紀論曰。盤庚三篇。有六善焉。以常舊服。正法度。一也。圖任舊人。二也。無或敢伏小人之攸箴。三也。以人情事。理。反覆開導。導民心。四也。奠厥攸居。以無戲怠。為戒。五也。敘欽有德。有謀之人。而不屑好貨。六也。

小辛 盤庚弟。在位。小乙 小辛弟。在位。武丁 小乙子。在位。五十九年。

元祀。武丁恭默思道。夢上帝賚以良弼。乃使人以形旁求於天下。得傅說于傅岩。命以為相。

或問高宗之于傅說。文王之于太公。知之熟矣。恐民之未信也。故假夢卜以重其事。程子曰。朕則是偽也。聖人無偽。聖人無偽。假夢卜以重其事。聖人無偽。

武丁恭默思道 夢上帝賚以良弼

雄升鼎耳而雉

重譯來朝

賢君至誠與天地合為一體  
高宗近厚之過  
有商一代家法  
洪源浚流  
商非後世所能及

武丁祭成湯有飛雉升鼎耳而雉也。武丁反已以思王道。重譯來朝者六國。鬼方無道。武丁伐之。三年克之。殷道復興。號稱高宗。武丁崩。子祖庚立。

呂東萊曰：賢君至誠與天地合為一體，少有過失，災異立應。高宗于祭祀之間，畧有過厚，飛雉隨應之。此高宗近厚之過也。胡雙湖曰：學之為王者之事，尤商一代之家法。自成湯學于伊尹，以洪其源，至傳說相高宗，以浚其流，誠非後世所能及矣。

祖庚

高宗子，在位七年。

祖甲

祖庚弟，在位三十三年。

廩辛

祖甲子，在位六年。

庚丁

祖甲子，在位二十一年。

武乙

庚丁子，在位四年。

元祀武乙無道，為偶人，謂之天神，與搏不勝而戮之。為革囊盛血，仰射之，謂之射天。獵於河滑之間，暴雷震死。

囊血射天

太丁

武乙子，在位三年。

帝乙

太丁子，在位三十年。

二十有三祀，商道益衰。帝乙有三子：長微子啓，次中衍，季紂。啓賢，帝乙欲立之。太史爭之曰：有妻之子，不可立。妾之子，乃立紂。

紂

帝乙子也。殘義損善，曰紂。在位三十二年。及武王伐紂，紂焚死而設亡。

象箸玉杯

元祀紂資辨捷疾，智足以拒諫，言足以飾非。始為象箸，箕子歎曰：彼為象箸，必為玉杯。而遠方珍怪之物，與馬宮室之漸，自此而始矣。○時伐有蘇氏，有蘇氏以妲己女焉。妲己有寵，惟言是從。厚斂以實鹿臺之財，盈鉅橋之粟。酒池

酒池肉林

銅柱射干

肉林，為長夜之飲。重立刑辟，為銅柱以膏塗之，加于炭火

崇侯虎諧西伯  
姜里  
一物足以釋西  
伯  
西伯獻洛西之  
地  
退之善道文王  
意中事  
前後之人道不  
到此  
退之知文王之  
心  
帝乙不知變之  
過  
天下治亂係風  
俗

之上又為熨斗使有罪者緣之曰炮烙之刑○十有一祀  
紂以周侯昌及九侯鄂侯為三公九侯進女子紂女不喜  
淫紂殺之而醢九侯鄂侯爭之併殺鄂侯昌聞之歎息崇  
侯虎以告紂紂乃囚昌於羑里昌之臣散宜生等求美女  
及珍寶進紂紂大悅曰此一物足以釋西伯昌出獻洛西  
之地以請除炮烙之刑紂許之更賜昌得專征伐為西伯  
昌卒其子發舉兵伐紂殷亡

程伊川曰韓退之琴操曰臣罪當誅今天王聖明此退  
之善道文王意中事前後之人道不到此徐仲車曰可  
謂知文王之心矣  
胡五峯曰大君天命所繫興亡之本聖人有權焉與賢  
與子未嘗執一也帝乙泥立嫡而不知紂足以亡天下  
亦不知變之過矣  
熊勿軒曰天下之治亂繫風俗風俗之美惡繫人心三  
代固有道之長也而商一代風俗為最美伯也即馬一

三代有道之長  
萬世君臣大義  
歷三紀而後世  
變風移  
商家一代理人  
心  
風俗  
養成一代人心  
風俗  
公劉修后稷之  
業  
周道之興自此  
始  
文王生有聖瑞  
文身斷髮  
西伯讓位季歷  
西伯出獵得師

諫凜凜乎萬世君臣之大義當時為商之臣若民者大  
率有不肯臣周之心陳同父謂歷三紀而後世變風移  
蓋當康王之世歸周且四十年而通播遺黎至死不諫  
可見商家養成一代之人心風俗矣

周紀

右商二十八君六百四十四年

文王武王

文王名昌王季之子后稷之後受命九年  
武王名發文王之子在位七年○公劉脩后稷  
之業周道之興自此始傳九世曰古公○古公有  
長子太伯次子虞仲其如太姜生少子季歷娶太任  
生子昌有聖瑞泰伯虞仲知古公欲立季歷以傳昌  
二人乃亡如荆蠻文身斷髮以讓季歷古公卒季歷  
立是為西伯即文王也

呂望年八十餘釣於渭水西伯出獵卜曰非龍非虺非熊

非羆所獲霸王之輔果遇呂望與語大悅曰先君太公言

當有聖人適周周因以興子真是耶吾太公望子久矣故

當有聖人適周  
尊呂望為太公

西伯澤及枯骨

西伯陰行善  
虞芮質成

歸文王者四十國

文王所以為至德

文武之心未嘗不同

文王垂世立教

武王觀兵監津  
白魚入舟  
王屋流鳥

諸侯不期而會者八百

微子抱祭器歸

聖人之不幸

夷齊扣馬  
武王不納夷齊

之諫  
夷齊義人

夷齊耻食周粟

采薇之歌何如

二者意殊志戾

道悖同歸

此義並行不悖

武王行一時之權

通鑑集要

號太公望載與俱歸立為師。○西伯為池沼見死人骨命

吏瘞之天下聞之曰西伯澤及枯骨况于人乎。○西伯陰

行善諸侯皆來決平于是虞芮之君相與爭田不能決乃

如周入界見耕者讓畔民俗皆讓長二國之君感而相謂

曰吾所爭周人所耻何往為祇取辱耳遂還俱讓田不取

漢南諸侯歸者四十國。○文王崩武王立

朱子曰文王惟知以臣事君所以為至德也又曰使文王未崩十二三年紂惡不悛天命已絕則盟津之事文王亦豈得而辭哉以此見文武之心未嘗不同惟視天命之改與未改耳

劉氏曰文王取庖義氏易六十四卦次序而演之作為易爻之詞以垂世立教

武王東觀兵于盟津渡河中流白魚躍入王舟中武王

俯取以祭既渡有火自上復于下至王屋流為鳥時諸侯

不期而會者八百皆曰紂可伐武王不可乃還居二年盟

紂暴虐滋甚微子抱祭器歸周乃伐紂紂焚死于是諸侯

尊武王為天子方正學曰牧野之兵非武王之志聖人之不幸也

初武王伐紂伯夷叔齊扣馬諫曰父死不葬爰及于戈可

謂孝乎以臣弑君可謂仁乎太公曰義人也扶而去之及

天下既定夷齊耻食周粟隱于首陽山作歌曰登彼西山

兮采其薇矣以暴易暴兮不知其非矣神農虞夏忽焉沒

兮我安適矣吁嗟徂兮命之衰矣遂餓而死

劉道原曰易稱湯武革命應乎天而順乎人孔子稱夷齊求仁得仁二者意殊志戾蓋言湯武所以懼後世之為人君者稱夷齊所以戒後世之為人臣者道悖而同歸焉

陳永嘉曰武王太公之心恐一時之無君伯夷叔齊之心恐萬世之無君此義並行而不悖也

周王外紀卷一

通鑑集要

夷齊守萬世之經

郭用亨曰武王行一時之權夷齊守萬世之經

武王反商政

武王既克商使弟管叔鮮蔡叔度監紂子武庚治殷命釋箕子之囚表商容之閭散鹿臺之財發鉅橋之粟封比干

表闕封墓

之墓追王先世祖考褒封神農黃帝堯舜禹之後功臣謀

散財發粟

士皆以次錫封封兄弟之國十五人姬姓之國四十人問

箕子陳洪範

箕子以天道箕子陳洪範封之于朝鮮客而不臣縱馬華

箕子客而不臣

山之陽放牛桃林之野示天下不復用○踐祚三日王問

藏納行常

士大夫曰惡有藏約而行常者乎師尚父陳丹書曰敬勝

尚父陳丹書

怠者吉怠勝敬者滅義勝欲者從欲勝義者凶且臣聞以

仁得仁守

仁得之以仁守之其量百世王聞言而書為銘○箕子朝

聞言書銘

周傷殷宮室生禾黍乃作麥秀歌歌曰麥秀漸漸兮禾黍

箕子作麥秀歌

油油兮彼狡童兮不與我好兮殷民聞之皆為流涕○王

卜書藏金滕

疾周公為壇告太王王季文王請代王死周公乃以卜書

作大武樂

藏金滕櫃中王疾瘳○作樂曰大武○王崩子誦立

萬世藝倫之道

胡雙湖曰武王陳洪範而萬世藝倫之道明戒丹書而

明崇德報功之兼

敬怠義欲之辨著立九府圖法而泉貨之利通崇追王

盡武王垂拱而天下治

祭祀之禮立教世子之法重民五教而食喪祭之加謹

周公攝政

成王名誦武王子在位三十七年

南面負屨朝諸侯

元年周公居家宰以王年幼恐天下叛乃攝政南面負屨

握髮吐哺

以朝諸侯○成王封周公子伯禽于魯周公謂伯禽曰我

得三士以定天下

一沐三握髮一飯三吐哺始得三士以定天下子無以國

通監其要

周王外紀卷一

左



平易近民

尊賢而尚功

尊賢而親親

管蔡流言

周公作大誥

感悟迎歸

微子客而不臣

周公不失其聖

周公德音不瑕

天理人倫之至

舜周用心一

聖人所以同歸

于道

桐葉戲封

天子無戲言

重譯來朝

越裳獻白雉

君子不饗其質

海不揚波

中國有聖人

指南車

定鼎郊鄂

洛邑天下之中

遷殷民於成周

立九府圖法

何德而民親其上

臨淵履冰

不能近平易近民民必歸之○太公封于齊周公問太公

何以治齊曰尊賢而尚功周公曰後世必有篡弒之臣太

公問周公何以治魯曰尊賢而親親太公曰後寢弱矣○

管叔蔡叔霍叔流言曰公將不利於孺子遂與武庚反周

公作大誥奉王命以討之○二年周公居東討平武庚方

流言初王亦疑公及開金縢見請代武王事感泣迎歸封

微子代殷侯國號宋

程子曰周公之處已也夔夔朕存恭畏之心其存誠也

蕩蕩朕無顧慮之意所以不失其聖而德音不瑕也

游氏曰舜誠信而喜象周公誠信而任管叔此天理人

倫之至其用心一也

范華陽曰象以殺舜為事舜則封之管蔡啓殷以叛周

周公則誅之其迹不同其道則一舜處常公處變聖人

所以同歸于道也

五年王與其弟叔虞削桐葉為珪戲曰吾以此封若史佚

命擇曰曰天子無戲言遂封為唐侯○六年交趾南有越

裳氏重譯來朝獻白雉周公曰德澤不加君子不饗其質

政令不施君子不臣其人譯曰吾受命吾國之黃耆曰天

無烈風淫雨海不揚波三年矣意者中國有聖人乎蓋往

朝之周公歸之於王使者還迷其歸路周公錫以指南車

常為先導○成王定鼎于郊廓卜曰傳世三十歷年八百

○七年周公營洛城為東都曰此天下之中又營成周遷

殷頑民居之成王復還西都○太公望立九府圖法○王

問史佚曰何德而民親其上對曰使之以時而敬順之忠

而愛之布令信而不食言如臨深淵如履薄冰王曰懼哉

○王崩于釗立

胡雙湖曰今讀周官之書則知成王設官分職之論朝會巡狩之法讀君陳之書則知成王命君陳尹茲東土倦倦不忘殷民之化至作德日休敬典在德兩言乃二篇中切要之論此固成王學力之到而實周公造就之妙歟

程子曰人主守成業而致盛治莫如周成王朕其所以成德者則由周公也

康王 名釗成王之子在位二十六年

十二年命畢公保釐成周初召公治西方巡行鄉邑聽斷於隴陌阡畝之間廬於棠樹之下當蠶桑耕種之時務弛獄出居民使得反業及召公卒人思其政懷棠樹不忍伐作甘棠之詩歌詠之○時天下太平刑措四十餘年不用

○王崩于瑕立

二篇中切要之論  
成王學力之到  
周公造就之妙  
人主守盛業而  
致盛治

畢公保釐成周  
召公巡行

思政懷棠

刑措四十餘年  
不用

大和在唐虞成

周守節間

貞元會合之運

亘千古而再見

成康育唐虞之

風

胡雙湖曰文武成康父子祖孫相繼者百餘年後世謂大和在唐虞成周宇宙間貞元會合之運亘千古而再見者歟

昭王 名瑕康王之子在五十一年

元年周道漸衰王巡狩返濟漢漢濱人以膠膠船載之至

中流膠液王及祭公皆溺死○王崩于滿立

穆王 名滿昭王之子在位五十一年

十七年王得八駿馬有造父者以善御得幸王欲周行天下祭公祈父祈父周司馬名作祈招之詩以止王心曰祈招之惰

惰式昭德音思我王度式如玉式如金形民之力而無醉

飽之心王以是獲沒于祗宮○三十五年王將征犬戎祭

公謀父諫曰先王耀德不觀兵王不聽竟征之得四白狼

祈父作祈招之  
詩  
式玉式金

先王耀德不觀  
兵

通鑑集要

通鑑集要

白鹿自是荒服不至。又命呂侯作祥刑之書，告四方。○王

崩，子繫扈立。

穆王仁民之意，孔子所以有取。孔子思狂狷之意。

胡五峯曰：穆王德雖下衰，朕能曲盡典獄之情，偽以訓戒天下後世，其仁民之意厚矣。孔子所以有取也，亦不

共王

各繫扈穆王之弟，在位二十五年。

孝王

各牌方懿王之弟，在位十五年。

元年，王命秦非子主馬于汧渭之間，馬大蕃息。王封為附

非子善養馬，封非子於秦，江漢俱凍。

庸之君，邑於秦，使續伯益後。是時大雹，牛馬死，江漢俱凍。

○王崩，子燮立。

胡雙湖曰：當嬴秦始封之世，而災異之見，殺氣若茲，履霜之象，已兆於此矣。天道之倚伏，可畏也。

夷王

各燮孝王之子，在位十六年。

下堂見諸侯

元年，時覲禮不明，王始下堂而見諸侯。○王崩，子胡立。

厲王

名胡，夷王之子，在位三十七年。

榮夷公好利

三十年，榮夷公好利，王任之。大夫芮良夫諫曰：夫利，百物

之所生也，天地之所載也，而或專之，其害多矣。王用榮公

監謗弭謗

諸侯不享。○王行侈傲，國人謗王。王使衛巫監謗，國人莫

防口甚于防川

敢言。王喜曰：吾能弭謗矣。召公曰：是障之也，防民之口，甚

二相共理國事

于防川，川壅而潰，傷人必多，不聽。國人畔，虢王，王奔彘。二

相周公召公，以太子靜尚幼，乃相與協和，共理國事。○厲

王崩，子靜立。

名靜，厲王之子，在位四十六年。

法文武成康之遺風

元年，召公周公輔政，法文武成康之遺風。申伯仲山甫喻

通鑑集要

周王外紀卷一

十九

海內翕然向風

王不籍千畝  
民之大事在農  
姜后脫簪

宣王勤于政事

宣王成中興之名

料民太原

宣王任賢使能  
宣王所以成功  
內順治而外威  
嚴

左儒順友違君

左儒死救杜伯

德教舉遺亡海內翕然向風諸侯復宗周○二十二年王

不籍千畝號公諫曰民之大事在農棄先王之功不可王

不聽○二十三年王嘗晏起姜后脫簪珥待罪於永巷曰

王樂色而忘德亂之興自婢子始敢請罪王自是勤於政

事卒成中興之名○二十九年王師敗績于姜氏之戎乃

料民於太原仲山甫諫王卒料之料謂簡料其  
數之多少也

范華陽曰宣王任賢使能吉甫征伐于外而王所與處  
者張仲孝友也夫使文武之臣在職而左右前後得正  
良之士善其君心則讒言不至而忠謀見用此所以能  
成功故宣王之致中興者內順治而外威嚴也

四十六年王將殺其臣杜伯而非其罪伯之友左儒爭之

曰君道友逆則順君以誅友友道君逆則順友以違君王

怒殺杜伯左儒死之○王崩于宮涅立

幽王名宮涅宣王之子在位十一年

山崩川竭

二年王無道三川竭岐山崩○初夏之衰褒人之神化為

二龍以伺王庭而言曰余褒之二君也夏后殺之藏其殽

厲王發而觀之殽流於庭化為玄黿入王府府童妾遭之

而孕懼而棄之時童謠曰檠弧箕服檠弧弓也箕草名實  
可結為服盛箭者

亡周國有夫婦鬻是器者王使執而戮之逃於道得所棄

妖子育之逃於褒褒人褒姒人有獄而入是女於王即褒  
名

姒也褒姒有寵于王王廢申后及太子宜臼以褒姒為后

以其子伯服為太子宜臼出奔申○六年辛卯朔日有食

之○褒姒不好笑王欲褒姒笑乃無故舉烽火諸侯悉至

至而無寇褒姒大笑好聞裂繒聲王發繒裂之以適其意

檠弧箕服

宜臼奔申

舉火戲諸侯

裂繒

幽王

幽王

幽王

通鑑集要  
徵兵莫至

○十一年申侯召犬戎伐王王舉烽火徵兵兵莫至犬戎遂殺王于驪山下諸侯立故太子宜臼是為平王而西周以亡

平王各宜曰幽王之子在位五十一年

元年平王以豐鄩逼近犬戎東遷都于洛邑而號令不行

齊楚秦晉漸大

宋子曰申侯召犬戎殺王平王知母忘父知立已為德而不知殺父為怨忘親逆理甚矣故春秋托始于平王

四十九年魯隱公元年也孔子作春秋始此蓋寓褒貶于

賞罰以正一王之法○王崩子之子琳立

桓王名琳平王之孫在位二十三年

十三年王伐鄭鄭與王戰射王中肩因遣使謝勞○王崩

鄭伯射王中肩  
鄭人遣使謝勞

鄭伯以璧假許田

子佗立○魯桓公脩好於鄭鄭伯以璧假許田公許之

莊王名佗桓王之子在位十五年

小白歸國  
鮑叔薦管夷吾

十二年齊小白歸國是為桓公桓公使鮑叔為宰辭曰君

加惠于臣使不凍餒則君之賜也若必治國家則非臣之

所能也其管夷吾乎臣不及夷吾者五寬惠柔民弗若也

治國家不失其柄弗若也忠信固結于百姓弗若也制禮

義可法于四方弗若也執枹鼓立于軍門使百姓加勇焉

弗若也公于是以仲為相號曰仲父

胡五峯曰桓公所以有始無終者大本不正也使桓果有匡天下之志而不求自利則管子天下才當以上贊

管子天下才  
管子之德不及  
其才

管夷吾嘗與鮑叔賈分利多自與叔不以為貪知仲貧也

通鑑集要

周王外紀卷一

二十

知我者鮑子

四民勿使雜處制國為二十一

鄉作內政而寄軍

管仲謹蓋策

夷吾志在強國

夷吾巧于用詭

管仲得盡其才

管仲術類商鞅

管仲德不及才

大人必以禮樂

正天下

大器猶規矩準

繩先自治而後治

齊桓公會諸侯

于北杏

諸侯立盟自北

杏始

曹沫劫盟

齊桓不背曹沫

之盟

衛公好鶴

鶴乘軒

桓公召陵之師

嘗謀事窮叔不以為愚知時有利不利也嘗三戰三敗叔不以為怯知有老母也仲曰生我者父母知我者鮑子也

○齊桓公始霸會諸侯為盟主管仲為政四民勿使雜處制國為二十一鄉作內政而寄軍令謹正蓋策以富國

陳潛室曰夷吾志在強國內政之作特假王政之名內修強國之利以欺隣耳其巧于用詭哉

劉道原曰管仲盡地利以成富強完兵械以臨不服仗王室之威為諸侯之長其術類商鞅其言如韓非其寬厚廣大則過之固非王者之佐矣仲之德蓋不及其才也

司馬涑水曰大人必以禮樂正天下管仲朱絃鏤篋三歸反玷其器豈不小哉楊子云大器猶規矩準繩先自治而後治人斯言得之矣

王崩子胡齊立  
名胡齊莊王之子在位五年

元年齊桓公會諸侯于北杏遂人不至齊人滅遂○齊桓

公五年伐魯魯將師敗魯莊公請獻遂邑以平桓公許與魯柯而盟魯將盟曹沫以匕首劫桓公于壇上曰反魯

之侵地桓公許之已而曹沫去匕首北面就臣位桓公後悔欲無與魯地而殺曹沫管仲曰夫許之而倍信殺之愈

一小快耳而棄信于諸侯失天下之援不可于是遂與曹沫三敗所亡地于魯諸侯聞之皆信齊而欲附焉○王崩

子閔立  
名閔釐王之子在位二十六年

十七年狄人伐衛衛懿公好鶴鶴有乘軒者將戰國人皆曰使鶴因敗績衛滅○二十一年齊桓公伐楚責其不供

齊楚盟于召陵

王祭楚子使屈完乞盟于召陵桓公許之○王崩子鄭立襄王名鄭惠王之子在位三十三年

齊桓葵丘之會

天威不遠顔咫尺

君子不困人于厄

君子不禽二毛不誠不成列

世笑以為宋襄之仁

荀息有詩人重言之義

元年齊桓公會諸侯於葵丘王使宰孔致胙於桓公使無下拜桓公曰天威不遠顔咫尺乃下拜登受○宋襄公與楚戰宋人既成列楚人未既濟宋司馬請擊公曰君子不困人於厄迨成而後擊之宋師敗績國人皆咎公公曰君子不重傷不禽二毛頭半白黑者寡人雖亡國之餘不鼓不成列世笑以為宋襄之仁○晉獻公卒奚齊立晉里克殺齊大夫荀息立齊弟卓殺卓及息

司馬沫水曰獻公使息傅齊息曰臣竭股肱之力不濟則以死濟之及克殺齊息死之君子曰詩所謂白圭之玷尚可磨也斯言之玷不可為也荀息有焉杜元凱以為息有詩人重言之義愚謂元凱失左氏之意多矣獻

元凱失左氏之意

左氏所以貶息

懸書宮門

文公召王會河陽

天王狩于河陽子犯先軫之謀

居多晉文伐原示信

聖賢修身治國之道

晉文請隧古人推賢遜能

公廢長立少息不能明白義理以格君心而遽以死許之是息之言玷于獻公未沒之前而不可救于已沒之後也狀則左氏之志所以貶息而非所以為褒也

十六年晉公子重耳入于晉繼立是為文公初重耳出奔嘗餒

于曹介子推割股以食之及歸賞從亡者狐偃趙衰顛頡

魏犢不及子推子推之從者懸書宮門曰有龍矯矯頃失

其所五蛇從之周流天下龍饑乏食一蛇割股龍返于淵

安其壤土四蛇入穴皆有處所一蛇無穴號於中野曰噫

寡人之過也使人求之不得○二十年晉文公召王會于

河陽踐土諸侯畢朝仲尼曰以臣召君不可以訓故書曰天王狩于河陽

金履祥曰晉文之霸子犯先軫之謀居多如勤王示義伐原示信大蒐示禮皆假之也

真西山曰晉文以父師事狐偃趙衰而二子未講聖賢修身治國之道故其始霸也請王者之隧圍天子之邑

之意  
子餘非舅犯所  
及

三人皆秦之良

勤天王之狩，第用人一節，頗得古人推賢遜能之意。狀子餘之言論風旨，又非舅犯所及。

三十一年，秦穆公卒，從死者百七十七人。秦子車氏之三

子，奄息、仲行、鍼虎，為殉，皆秦之良也。國人哀之，為賦黃鳥

傾王。名王臣，襄王之子，在位六年。

匡王。名珣，傾王之子，在位六年。

六年，晉趙盾弑其君靈公，迎襄公弟黑臀于周，立之。是為成公。

初，晉靈公不君，宣子黻驟諫，公患之，使鉏麇賊之。晨往，寢

門開矣，盛服將朝，尚蚤，坐而假寐。麇退，歎曰：「不忘恭敬，民

之主也。賊民之主，不忠；棄君之命，不信。有一于此，不如死

也。」觸槐而死。後趙穿攻靈公于桃園，宣子未出境而復。太

史書曰：趙盾弑其君，宣子曰：「不狀。」對曰：「子為正卿，亡不越

太史書盾弑君  
趙盾亡不越境

宣子自貽伊戚  
董狐書法不隱  
趙盾不能改董  
狐之書

楚子問鼎  
在德不在鼎

桓文功在王室  
五伯優劣何如  
秦穆不得為諸  
侯盟主  
宋襄智畧不如  
桓文  
五霸莫如桓文  
夫子大管仲之  
功

境反不討賊，非子而誰？宣子曰：「嗚呼！我之懷矣，自貽伊戚。」

其我之謂矣。孔子曰：董狐，古之良史也。書法不隱，趙宣子

定王。名瑜，匡王之弟，在位二十一年。

元年，楚莊王始霸，伐陸渾之戎，觀兵于周郊。王使王孫滿

勞之。楚子問鼎之大小，輕重。滿曰：「在德不在鼎。周德雖衰，

天命未改，鼎之大小，未可問也。楚子羞懼而退。」

胡雙湖曰：五霸迭興，殆有優劣者。齊桓、晉文功在王室，秦穆定晉，君至再已而伐晉，伐戎以成霸業，末乃收賢

臣以從死，其不得為盟主，固宜。楚莊初滅庸，庸以自豐，至

窺周鼎，已而伐鄭，伐陳，伐宋，殆無虛日。宋襄智畧不如

桓文，強暴不如秦楚，而與師，乃不禽二毛，不鼓不成列。區區以姑息為仁義，孟之會見辱於楚，泓之戰卒殞其軀，皆自取也。

十年，春秋時有趙夙者，事晉夙生衰，衰生盾。人曰：趙衰冬



冬日夏日

立孤與死孰難

魯初稅畝  
魯作丘甲

巫臣取夏姬

巫臣請通于晉

日之日也。趙盾夏日之日也。盾生朔，大夫屠岸賈滅朔之族。朔有遺腹子武，賈索之。朔客程嬰，公孫杵臼謀曰：立孤與死孰難？嬰曰：死易，立孤難。杵臼乃取他兒匿山中，嬰出。兒而趙氏真孤在。及武長，嬰具實告，方攻族，賈報之。○十三年，魯初稅畝。○十七年，魯作丘甲。○王崩，子夷立。

簡王

名夷，定王之子，在位十四年。

二年，先是楚莊王伐陳，陳夏徵舒之母夏姬色甚美，莊王欲取之。申公巫臣諫止之。楚令尹子反亦欲取之，巫臣又諫止。巫臣奉命聘晉，取之以行。子反族巫臣之家，巫臣怨楚，請於晉侯，乞通吳於晉，合力制楚師。楚於是疲於奔命。

談笑當裏甲之變

六官之長皆民譽  
晉悼公能復伯王

和戎五利  
魏絳請和戎

五年，韓厥言于晉侯曰：成李之勲，宣孟之忠，而無後，爲善者懼矣，乃立武而反其田焉。

呂東萊曰：趙文子其身退，朕如不勝衣，其言訥訥，朕如不出諸其口，及宋之盟，談笑當裏甲之變，神閉氣定，而不亂，晏子長不滿六尺，及崔慶之盟，白刃在前，殺朕，賈削不能奪，蓋其快者血氣也，其勇者義也。

十三年，晉悼公立。悼公年十四，而甚賢明，使魏魴、魏頡、趙武爲卿。凡六官之長，皆民譽，所以能復霸王。○王崩，子泄心立。

靈王

名泄，心簡王之子，生而有鬚，在位十七年。

三年，晉悼公欲伐戎，魏絳曰：諸侯新服，我德則睦，否則携貳。因陳和戎五利，戎狄薦居，貴貨易土，土可賈焉。一也。邊鄙不聳，民狎其野，穡人成功，二也。戎狄事晉，四隣振動，諸

悼公以半賜魏絳

季札願附子臧之義

季札之才近伯夷

崔氏不能奪南史之簡南史執簡以往

侯畏懷三也。以德綏戎師徒不動。甲兵不煩。四也。監于后羿。而用德度。遠至邇安。五也。昔侯乃使絳盟于戎。鄭賂晉以鍾磬。女樂。悼公以其半賜魏絳。○吳壽夢有四子。長諸樊。次餘祭。次餘昧。次季札。壽夢見札賢。欲立之。札辭。乃立諸樊。復讓札。謝曰。曹人欲立子臧。子臧去之。以成曹君。札願附于子臧之義。諸樊卒。餘祭立。及餘昧欲傳以次。必致國于札。卒不受。邵子曰。季札之才。近伯夷。○二十一年。孔子生。○二十四年。齊崔杼弑莊公。太史書曰。崔杼弑其君。崔子殺之。其弟嗣書。而死者二人。其弟又書。乃舍之。南史氏聞太史書死。執簡以往。聞既書矣。乃還。○王崩。子貴立。

景王 名貴。靈王。子在位二十五年。

吳使季札聘魯  
季子請觀周樂  
季札觀六代之樂  
鄭使公孫僑為政

子產不毀鄉校

晉使韓宣子來聘

周禮盡在魯  
子產作丘賦  
為善者不改其度

元年。吳使季札聘魯。請觀周樂。魯人為奏六代之樂。黃帝堯舜禹湯。○二年。鄭使公孫僑為政。使都鄙有章。上下有服。田有封洫。廬井有伍。從政一年。與人誦之。曰。取我衣冠而褚之。取我田疇而伍之。孰殺子產。吾其與之。及三年。又誦之。曰。我有子弟。子產誨之。我有田疇。子產殖之。子產而死。誰其嗣之。○鄭人遊於鄉校。以論執政。或請毀鄉校。子產曰。夫人朝夕退而游焉。以議執政之善否。其所善者。吾行之。其所惡者。吾改之。是吾師也。若之何毀之。○五年。晉侯使韓宣子來聘。觀書于太史氏。見易象。魯春秋。曰。周禮盡在魯矣。○七年。鄭子產作丘賦。國人謗之。子寬以告。子產曰。苟利社稷。死生以之。且吾聞為善者不改其度。故能有濟。

鄭人鑄刑書

子產不達為國以禮道理

三命滋益耒

明德者其後必有達人

孔子問禮于老

也民不可逞度不可改詩曰禮義不愆何恤于人言吾不

遷矣渾罕曰國氏其先亡乎君子作法于涼其敝猶貪作

法于貪敝將若之何○九年鄭人鑄刑書子產作丘賦鑄刑書不達為國

以禮底二十三年孔子適周既而反乎魯魯大夫孟僖子

病且死誠其嗣懿子曰孔丘聖人謂商之後滅于宋其祖

弗父何以有宋而授厲公及正考父正謚考父字孔子祖佐宋三命

滋益恭其鼎銘云一命而僂再命而偃三命而俯循墻而

走亦莫余敢侮僮于是粥于是以糊子口其共也如是吾

聞聖人有明德者若不當世其後世必有達人今將在孔

丘乎我獲汲子必師事之及僖子卒懿子與南宮敬叔往

學禮焉○孔子問禮于老則老子曰良賈深藏若虛君子

盛德容貌若愚

盛德容貌若愚孔子去謂弟子曰鳥吾知其能飛魚吾知

其能遊獸吾知其能走至于龍吾不能知其乘風雲而上

天也今見老子其猶龍乎○子產有疾謂子太叔曰我死

子必為政惟有德者能以寬服民其次莫如猛夫火烈民

望而畏之故鮮死焉水懦弱民狎而翫之則多死焉故寬

難及卒仲尼出涕曰古之遺愛也

真西山曰子產得聖門所謂器使之道春秋卿大夫無能及之者

王崩子丐立

敬王各明景王之子在位四十四年

十年吳伐越史墨曰不及四十年越其有吳乎越得歲而

吳伐之必受其凶○十四年初伍員與申包胥為友皆楚

史墨論歲星在越

子產得聖門器使之道

古之遺愛

有德者能以寬服民

老子猶龍

覆楚復楚

包胥如秦乞師

相魯侯會夾谷  
有文事者必有  
武備  
孔丘知禮而無  
勇

人也。伍員父為楚平王所殺，員奔吳。與包胥別，員曰：「我必覆楚。」包胥曰：「我必復楚。」員既奔吳，遂道吳伐楚。八郢，鞭平王。包胥乃如秦乞師。秦伯使就館，包胥依庭牆而哭，日夜不絕。秦乃出師，遂敗吳師，昭王復國。○二十年，魯以孔子為大司寇，魯定公與齊侯會于夾谷。孔子曰：「有文事者必有武備，請具司馬以從。」犁彌言于齊侯曰：「孔丘知禮而無勇，若使萊人以兵劫魯侯，必得志焉。」既會，有司請奏四方之樂，于是旌旄、劍戟、鼓譟而起，欲以執魯君。孔子歷階而升，不盡一等，視齊侯曰：「兩君合好，而裔夷之僕以兵亂之，非齊君所以命諸侯也。裔不謀夏，夷不亂華，俘不予盟，兵不逼好，于神為不祥，于德為愆義，于人為失禮。」齊侯心

魯以君子之道  
輔其君  
齊歸汶陽謝過

墮三都

孔子誅少正卯  
人有惡者五

作。麾之齊，有司請奏宮中之樂，優倡侏儒戲而前。孔子曰：「匹夫熒惑諸侯者，罪當誅，請命有司加法焉。」即首足異處。景公懼，歸語其臣曰：「魯以君子之道輔其君，而子獨以夷狄之道教寡人，使寡人得罪于魯侯，若之何？」因歸所侵汶陽之田以謝過。○二十二年，孔子言于定公曰：「臣不藏甲，大夫無百雉之城，使仲由為季氏宰，將墮三都，以疆公室。叔孫氏先墮，郈季氏墮費，孟氏不肯墮，成圍之不克。」不克亦去魯，若使久居之，自須有箇處置。○二十三年，孔子攝行相事，七日，誅大夫少正卯。曰：「人有惡者五，而盜竊不與焉，一心逆而險，二行辟而堅，三言偽而辨，四記醜而博，五順非而澤，此五者，有一千人，則不得免于君子之誅，而少正卯兼有之，故居

七子異世同心

無戾無郵  
三月政成化行  
袞衣惠我無私

賢聖得尺之難  
欹器

明君以為至誠

處足以聚徒成羣言談足以飾邪惑世強力足以反是獨立此小人之桀雄也不可以不誅也是以湯誅尹諧文王誅潘正周公誅管叔太公誅華仕管仲誅付里乙子產誅鄧析史何此七子者異世同心不可不誅也○孔子為魯司寇攝行相事其初人謗曰麇裘而鞞投之無戾鞞之麇裘投之無郵三月政成化行民誦之曰袞衣章甫實獲我所章甫袞衣惠我無私

劉道原曰子產從政一年而謗三年而後誦孔子攝相而謗三月而後誦彼一賢一聖猶得民若此之難也

孔子觀于魯桓公之廟有欹器曰吾聞宥坐之器虛則欹中則正滿則覆明君以為至誠故常置於坐側顧謂弟子曰試注水焉遂注之水中則正滿則覆夫子喟然歎曰嗚呼物身有滿而不覆者哉子路進曰敢問持滿有道乎子曰聰明睿智守之以愚功被天下守之以讓勇力振世守之以怯富有四海守之以謙○初魯之販羊有沈猶氏者朝飲其羊以詐市人有公慎氏者妻淫不制有慎潰氏者奢侈踰法魯之鬻六畜者飾之以儲價及孔子之為政也則沈猶氏不敢朝飲其羊公慎氏出其妻慎潰氏越境而徙三月則鬻牛馬者不儲價賣羔豚者不加飾男女別于塗道不拾遺男尚忠信女尚貞順三月魯大治齊人聞之懼乃歸女樂于魯季桓子受之不聽政郊不致膳俎于大夫孔子遂去魯○子路治蒲三年孔子過之入其境曰善哉由也恭敬以信矣入其邑曰善哉由也忠信而寬矣至

子路問持滿有道

沈猶氏不敢朝飲其羊  
羔豚不飾價

子路治蒲三善

自蓋集卷一

周王小記卷一

三

其庭曰善哉由也明察以斷矣子貢執轡而問曰夫子未見由之政而三稱夫由其善可得聞乎孔子曰吾見其政矣入其境田疇易草萊辟溝洫深治此其恭敬以信故民盡力也入其邑墻屋固樹木茂此其忠信以寬故民不偷也至其庭庭甚清閑諸下用命此其明察以斷故民不擾也○二十四年越敗吳于檇李吳闔閭卒子夫差立夫差使人立于庭苟出入必謂已曰夫差而忘越王之殺而安乎對曰不敢忘三年乃報越○二十五年孔子適衛將見趙簡子聞殺竇鳴犢舜華二子晉賢大夫臨河興歎曰美哉水洋洋乎丘之不濟此命也夫反于衛適陳○二十六年吳夫差伐越敗越于夫椒遂入越越勾踐既敗以甲楯五千棲

夫差厲志報越

臨河興歎

勾踐棲于會稽

大夫種行成于

吳

伍員諫釋越樹德莫如滋

勾踐能親而務施

子路結纓

通鑑集要

周王本紀卷一

三

于會稽使大夫種行成于吳夫差將許之伍員諫曰不可臣聞之樹德莫如滋去疾莫如盡昔夏少康有田一成衆一旅能布其德而兆其謀遂滅過戈二國名復禹之績今吳不如過而越大于少康或將豐之不亦難乎勾踐能親而務施施不失人親不棄勞與我同壤而世爲仇敵于是乎克而弗取將又存之違天而長寇仇以是求霸必不行矣弗聽退而告人曰越十年生聚而十年教訓二十年之外吳其爲沼乎○二十七年衛靈公薨乃立輒衛蒯聩輒父輒拒之子路與其難蒯聩之臣石乞孟獻以戈擊子路斷纓子路結纓而死○三十一年孔子自蔡如葉音攝乃楚地反于楚楚使人聘之陳蔡大夫謀曰孔子用于楚則陳蔡危

夫子道大莫能容  
不容狀後見君子  
子西沮孔子

矣相與發徒圍之于野孔子曰詩云匪兕匪虎率彼曠野  
吾道非邪吾何爲于此子貢曰夫子道至大天下莫能容  
顏子曰不容何病不容狀後見君子楚昭王與師迎之乃  
得至楚將封以書社地七百里楚令尹子西曰王之使諸  
侯有如子貢者乎曰無有王之輔相有如顏回者乎曰無  
有王之將卒有如子路者乎曰無有王之官尹有如宰予  
者乎曰無有且楚之祖封于周號爲子男五十里今孔子  
述三王之法明周召之業王若用之孔丘得據土壤賢弟  
子爲佐非國之福也昭王乃止○三十六年孔子自衛反  
魯季康子迎歸魯哀公問政終不能用乃序書上自唐虞  
下至秦穆刪古詩三千爲三百五篇皆茲歌之禮樂自此

禮樂自此可述

韋編三絕

西狩獲麟

孔子作春秋

游夏不能贊詞

可述晚而喜讀易韋編三絕序彖象繫辭說卦文言○三  
十九年魯人西狩獲麟仲尼往觀之曰麟有王者則至無  
王者則不至孰爲來哉反袂拭面涕沾袍曰吾道窮矣○  
孔子因魯史記作春秋自隱至哀十二公絕筆于獲麟筆  
則筆削則削游夏之徒不能贊一詞弟子三千人身通六  
藝者七十二人

史記曰撥亂反正莫近于春秋而有國者不可以不知春秋

撥亂反正莫近于春秋

有國者不可以不知春秋

熒惑守心徙三度

天高聽卑君人之言三

四十年熒惑守心心宋之分野景公憂之司星子韋曰可  
移于相公曰相吾股肱曰可移于民公曰君者待民曰可  
移于歲公曰歲饑民困吾誰爲君子韋曰天高聽卑君有  
君人之言三熒惑宜動候之果徙三度○四十一年四月

君人之言三

史記曰撥亂反正莫近于春秋而有國者不可以不知春秋

三

逍遙門歌  
泰山梁木

魯君兩失

已丑孔子卒于魯孔子時年七十三歲蚤作負手曳杖逍  
遙于門歌曰泰山其頽乎梁木其壞乎哲人其萎乎既歌  
而入當戶而坐子貢聞之曰泰山其頽則吾將安仰梁木  
其壞哲人其萎則吾將安放夫子殆將病也遂趨而入孔  
子謂賜曰予疇昔之夜夢坐奠于兩楹之間夫明王不作  
而天下孰能宗予子殆將死也寢疾七日而沒公誅之曰  
昊天不弔不懲遺一老俾屏余一人以在位莞莞余在疚  
嗚呼哀哉尼父子慙曰生不能用死而誅之非禮也稱一  
人非名也魯君兩失之葬魯城北泗上○王崩子仁立

劉道源曰歷千餘年未有如孔子之盛者豈非君臣父子仁義禮樂之教雖蠻貊之邦不可斯須捨乎  
元王名仁敬王之子在位六年

解劍懸墓

臥薪嘗膽

范蠡諫許吳行  
成  
句踐致貢于周

范蠡遺文種書

范蠡乘舟江湖  
鴟夷子皮

元年吳季札聘上國過徐徐君愛其寶劍季子心知之使  
還徐君已沒遂解劍懸墓而去○三年越伐吳滅之初越  
勾踐為吳所敗棲于會稽使大夫種行成于吳吳王許之  
勾踐反國臥薪嘗膽愛民養士二十餘年乃伐吳吳王  
敗使人行成范蠡諫曰天以吳賜越越豈可逆天乎吳王  
乃自殺勾踐既敗吳北渡淮與齊晉會徐州致貢于周王  
賜胙命為伯○范蠡去越越伯殺其大夫文種初蠡遺文  
種書曰越王長頸烏喙可與共患難不可與共安樂子何  
不去種稱疾不朝或讒種且作亂賜劍死蠡裝輕寶珠玉  
乘舟江湖浮海出齊變姓名自謂鴟夷子皮○王崩子介  
立



貞定王

名介元王之子在位二十八年

田氏好施得民

十一年晉智伯與韓氏趙氏魏氏共滅范氏中衍氏而分其地。○十六年陳公子完奔齊齊桓公使為二正更姓田子孫盛多其後齊亂公室卑弱權歸田氏田氏好施乃以家量斗大貸於民而以公量斗小收之民莫不戴之國內多篡弑立君皆由田氏田恒弑齊簡公襄子為齊相至是與三晉通使盡以其兄弟宗人為都邑大夫。○趙襄子使新稚穆子伐狄勝之取左人中人狄二邑襄子有憂色曰飄風暴雨不終朝日中不須臾今趙氏之德無所積一朝而兩城下亡其及我哉君子曰趙氏其昌乎夫憂者所以為昌也喜者所以為亡也勝非其難者也持之者其難者也惟有

襄子有憂色

趙氏其昌

有道之主為能持勝

道之主為能持勝。○王崩子嵬立。

考王 名嵬貞定王少子在位十六年

西門豹禁河伯娶婦

元年魏俗為河伯娶婦為求福計及魏文侯使西門豹為鄴令

公儀子拔園葵

豹力禁之。○公儀子相魯出織帛妻拔園葵曰吾已食之

又奪園夫紅女利乎。○王崩子午立。

<p>○王</p>	<p>○王</p>	<p>○王</p>	<p>○王</p>	<p>○王</p>	<p>○王</p>
<p>○王</p>	<p>○王</p>	<p>○王</p>	<p>○王</p>	<p>○王</p>	<p>○王</p>
<p>○王</p>	<p>○王</p>	<p>○王</p>	<p>○王</p>	<p>○王</p>	<p>○王</p>
<p>○王</p>	<p>○王</p>	<p>○王</p>	<p>○王</p>	<p>○王</p>	<p>○王</p>
<p>○王</p>	<p>○王</p>	<p>○王</p>	<p>○王</p>	<p>○王</p>	<p>○王</p>
<p>○王</p>	<p>○王</p>	<p>○王</p>	<p>○王</p>	<p>○王</p>	<p>○王</p>
<p>○王</p>	<p>○王</p>	<p>○王</p>	<p>○王</p>	<p>○王</p>	<p>○王</p>

